



影印

文淵閣四庫全書

第六十二冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

尚書通考

元 黃鎮成撰……………一

書蔡氏傳旁通

元 陳師凱撰……………二〇九

讀書管見

元 王充耘撰……………四四三

書義斷法

元 陳悅道撰
倪士毅輯……………五一

附作義要訣

尚書纂傳

元 王天與撰……………五八七

尚書句解

元 朱祖義撰……………八八五

欽定四庫全書

經部

尚書通考

卷一百一十五

詳校官給事中臣王鍾健

通政使司副使臣莫瞻菴覆勘

總校官庶吉士臣張能照

校對官編修臣朱攸

謄錄監生臣趙存與

繪圖監生臣仇璫

欽定四庫全書

尚書通考敘意

書載二帝三王之政政者心與事之所形也是故道德仁聖統乎心制作名物達於事内外之道合而帝王之政備矣然統乎心者先後古今脗合無二達於事者儀章器物因革無存故求帝王之心易而考帝王之事難矣後儒稽古不過以周為據而秦人滅學周典亦多殘缺延欲以不完之文以徵隆古之舊斯益難矣然昔者

欽定四庫全書

尚書通考

紫陽夫子之教必語學者以有業次如所謂堯舜典歷象日月星辰律度量衡五禮五樂禹貢山川洪範九疇之類須一一理會令透蓋讀書窮理即器會道乃學者之當務也余方授兒輩以書間或有問不容立答則取關涉考究者會萃抄撮或不可言曉者規畫為圖以示之至眾家之說有所不通則間述臆見以附於下如舊圖舊說已備者不復贅出其有未盡則隨條辨析焉歲月積累寢成卷帙兒輩乃請次其顛末以便考尋名曰

尚書通考竊謂學有本末道無精粗禮樂官名聖人猶問則讀是經者安得不求其故哉方將就正於博洽君子然後退授於家俾為格致之助亦庶乎紫陽夫子之教云耳時天厯三年歲名上章敦牂月旅太族日得壬子昭武黃鎮成謹識

欽定四庫全書

經部二

尚書通考目錄

書類

卷一

諸儒家法傳授之圖 百篇書目

伏生今文尚書 孔氏古文尚書

尚書名義 辟藏異記

許氏書紀年圖 虞書

帝王傳授心法圖 若稽古

欽定四庫全書

堯典大學宗祖圖 九族

羲和世掌圖 厯象日月星辰

朱子日月順天左旋圖 日月麗天之圖

經星列宿名數圖 緯星圖

十二次舍圖 周天十二次日月所會圖

東坡辰次分野圖 四仲圖

中星運候 中星圖

月令中星圖

卷二

歲差法

曆三百有六旬有六日以閏月定四時成歲

史記歷書大小餘解 古今歷法

卷三

在璿璣玉衡以齊七政 璿璣渾儀圖

歷代渾儀 肆類于上帝

禋于六宗 輯五瑞

欽定四庫全書

尚書通考
目錄

二

巡守

律

辰建交貿圖

班志隔八相生圖

律管應月候氣圖

律管長短忽微圖

十二律還相為宮

變宮變徵

京房六十律法

律法相生損益之次

卷四

蔡西山黃鐘生十一律解十二律管相生圖

變律

律生五聲

變聲

歷代樂名

度

周尺圖說

量

衡

卷五

五禮

五玉三帛二生一死贊

如五器

五載巡守

封山濬川

五刑圖

四罪

二十有八載帝乃殂落

欽定四庫全書

尚書通考
目錄

三

咨二十二人

世系

五品

五教

五刑有服

五流有宅

庭讓臣名

聲依永律和聲

八音

徵庸在位陟方

六府三事圖

帝王道統傳授圖

干羽

四載

九川距海畎澮距川

百畝為夫圖

九夫為井圖

四丘為甸圖

同間有澮圖

觀象作服

侯以明之

卷六

弼成五服

九成樂器

通志八音

朱子琴律圖說

卷七

禹敷土隨山刊木

九州水土圖

欽定四庫全書

尚書通考
目錄

九州山川貢賦圖

卷八

通志地理略

禹貢五服圖

卷九

七世之廟

儀禮寢廟辨名圖

諸侯五廟圖

諸儒廟制圖

劉歆廟制圖

生明生魄望朏

生明圖

生魄圖

卷十

九疇之綱

九疇之目

日月冬夏

召誥土中

祖暉圭表圖

祖暉五表圖

洛誥大室

列爵分土

田制賦乘圖

無逸圖

周官圖

六年五服一朝

周禮六服朝貢圖

顧命圖

欽定四庫全書

尚書通考
目錄

臣等謹案尚書通考十卷元黃鎮成撰鎮成

字元鎮邵武人以薦授江南儒學提舉未上

而卒其書徵引舊說以考四代之名物典章

而間附以論斷頗為詳備其中如論閏月而

牽及後代司天之書論律而旁引京房之法

論樂而臚陳自漢至宋之樂名皆與經義無

闕失之汎濫其他四仲五品五教九疇六府

三事之類皆經有明文而複登圖譜別無發

明亦失之冗瑣又全書皆數典之文而曰若

稽古一條獨參訓詁尤為例不純似乎隨筆

記錄之藁未經刊潤成書者然朱子嘗言欲

作書說如制度之類祇以疏文為本是書雖

涉繁蕪固即朱子之志矣與蔡傳旁通並錄

存之以備考證于經義亦未必無補焉乾隆

四十一年五月恭校上

欽定四庫全書

尚書通考

六

總纂官臣紀昀臣陸錫熊臣孫士毅


總校官臣陸費墀

欽定四庫全書

尚書通考卷一

元 黃鎮成 撰

諸儒家法傳授之圖




欽定四庫全書

尚書通考

一

古大尚書



百篇書目

伏生今文尚書凡二十八篇

堯典 皋陶謨 禹貢 甘誓

湯誓 盤庚 高宗彤日 西伯戡黎

微子 牧誓 洪範 金縢

大誥 康誥 酒誥 梓材

召誥 洛誥 多方 多士

立政 無逸 君奭 顧命

欽定四庫全書 尚書通考 卷一

呂刑 文侯之命 費誓 秦誓

右伏生所授者漢武時又入偽泰誓一篇為二十九

篇

安國古文尚書增多伏生二十五篇

大禹謨 五子之歌 胤征 仲虺之誥

湯誥 伊訓 太甲 咸有一德

說命 泰誓 武成 旅獒

微子之命 蔡仲之命 周官 君陳

畢命 君牙 冏命

安國復出尚書凡五篇

舜典 益稷 盤庚 康王之誥

右今古文通五十八篇又百篇之序一篇即今所行

五十八篇而以序冠篇首者也

逸書

汨作 九共 稟猷 帝告

釐沃 湯征 汝鳩 汝方

欽定四庫全書 尚書通考 卷一

夏社 疑至 臣扈 典寶

明居 肆命 徂后 沃丁

咸乂 伊陟 原命 仲丁

河亶甲 祖乙 高宗之訓 分器

旅巢命 歸禾 嘉禾 成王政

將蒲姑 賄肅慎之命 亳姑

右四十二篇書亡即書序謂其餘錯亂磨滅弗可復知者也通前今古文合百篇之數

漢張霸偽書凡二十四篇

舜典 汨作 九共九篇 大禹謨

益稷 五子之歌 胤征 湯誥

咸有一德 典寶 伊訓 肆命

原命 武成 旅獒 罔命

張霸復出伏生書五篇

舜典 益稷 監庚二篇 康王之誥

泰誓

欽定四庫全書

尚書通考
卷一

四

右前漢諸儒不見孔傳張霸偽作二十四篇附伏生二十八篇又復出五篇并泰誓一篇求合孔氏五十八篇四十六卷之數

伏生今文尚書

史記儒林傳孝文帝時欲求能治尚書者天下無有乃聞伏生能治欲召之是時伏生年九十餘老不能行於是乃詔太常使掌故晁錯往受之秦時焚書伏生壁藏之其後兵大起流亡漢定伏生求其書亡數十篇獨得

二十九篇即以教於齊魯之間學者由是能言尚書諸

山東大師無不涉尚書以教矣伏生教濟南張生及歐

陽生漢書曰字和伯千乘人歐陽教千乘兒寬兒寬既通尚書以

文學應郡舉詣博士受業受業孔安國兒寬貧無資用

常為弟子都養及時時行傭賃以給衣食行常帶經

止息則誦習之以試第次補廷尉史是時張湯方鄉學

以為奏讞掾以古法議決疑大獄而愛幸寬寬為人溫

良有廉智自持而善著書書奏敏於文口不能發明也

欽定四庫全書

尚書通考
卷一

五

湯以為長者數稱譽之及湯為御史大夫以寬為掾薦之天子後位至御史大夫張生亦為博士而伏生孫以治尚書徵莫能明也自此之後魯周霸孔安國雒陽賈嘉頗能言尚書事孔氏有古文尚書而安國以今文讀之因以起其家逸書得十餘篇蓋尚書滋多於是矣起出也

起發以

孔安國曰漢室龍興開設學校旁求儒雅以闡大猷濟南伏生年過九十失其本經口以傳授裁二十餘篇以

其上古之書謂之尚書百篇之義世莫得聞

陸氏曰二十餘篇即馬鄭所註二十九篇是也孔穎達曰泰誓本非伏生所傳武帝之世始出而得行史因以入於伏生所傳之內蔡氏曰伏生本但有堯典皋陶謨禹貢甘誓湯誓盤庚高宗彤日西伯戡黎微子牧誓洪範金縢大誥康誥酒誥梓材召誥洛誥多方多士立政無逸君奭顧命呂刑文侯之命費誓泰誓凡二十八篇今加泰誓一篇故為二十九篇

欽定四庫全書

尚書通考
卷一

六

顏師古曰衛宏定古文尚書序伏生老不能正言言不可曉使其女傳錯齊人語多與穎川異錯所不知凡十二三略以其意屬讀而已

伏生齊人
錯穎川人

史謂伏生壁藏而安國云失其本經口以傳授者蓋伏生初實壁內得之傳教既久誦文則熟至錯往受不執

經而口授之耳

出穎達正義

朱子曰伏生不出其女口授有齊音不可曉以意屬成及孟子引享多儀却與大誥無差只疑伏生偏記難者

而反不記其易者然盟誥聲牙自是書之本體典謨貢範同出於生而明白坦

原闕

欽定四庫全書

尚書通考
卷一

七

欽定四庫全書

尚書通考
卷一

八

欽定四庫全書

尚書通考
卷一

九

之傳奏之而又闕舜典一篇

按舜典伏生書已合堯
典但闕二十八字耳

隋開皇初購求逸書有人言齊建武中吳姚方興於大

桁市

或曰大
航頭

得孔氏傳古文比馬鄭所注多二十八字

於是始列國學梁陳所講有孔鄭二家齊代惟傳鄭義

至隋孔鄭並行而鄭氏甚微自餘所存無復師說又有
尚書逸篇出於齊梁之間考其篇目似孔氏壁中書之
殘缺者故附尚書之末

吳才老曰增多之書皆文從字順非若伏生之書詰屈
聲牙夫四代之書作者不一乃至二人之手而定為二
體其亦難言矣

朱子曰按漢儒以伏生之書為今文而謂安國之書為
古文以今文考之則今文多艱澁而古文反平易或者

欽定四庫全書

尚書通考
卷一

十一

以為今文自伏生女子口授晁錯時失之則先秦古書
所引之文皆已如此恐其未必然也或者以為記錄之
實語難工而潤色之雅辭易好故訓詁誓命有難易之
不同此為近之然伏生倍文暗誦乃偏得其所難而安
國考定於科斗古書錯亂摩滅之餘反專得其所易此
又不可曉者至於諸序之文或頗與經不合而安國之
序又絕不類西京文字亦皆可疑獨諸序之本不先經
則賴安國之序而可見

臨川吳氏曰漢藝文志尚書經二十九篇古經十六卷二十九篇者即伏生今文書二十八篇及武帝時增偽泰誓一篇也古經十六卷即張霸偽古文書二十四篇也漢儒所治不過伏生書及偽泰誓耳張霸古文雖在而辭義蕪鄙不足取重於世以售其欺及梅賾二十五篇之書出則凡傳記所引書語註家指為逸書者收拾無遺既有證驗而其言率依於理比張霸偽書遼絕矣唐初諸儒從而為之疏義自是漢世夏侯歐陽所傳二

欽定四庫全書

尚書通考
卷一

三

十九篇者廢不復行惟此孔傳五十八篇孤行於世竊嘗讀之伏氏書雖難盡通然辭義古奧其為上古之書無疑梅賾所增二十五篇體制如出一手采集補綴雖無一字無所本而平緩卑弱殊不類先漢以前之文夫十年古書最後乃出而字畫略無脫誤文勢略無齟齬不亦大可疑乎夫吳氏朱子之所疑者顧澄何敢質斯疑而斷斷然不敢信此二十五篇之為古書則是非之心不可得而昧也故今以此二十五篇自為卷裹以別

於伏氏之書而因及其所可疑非澄之私言也聞之先儒云爾

尚書名義

孔安國曰以其上古之書謂之尚書王肅曰上所言下為史所書曰尚書也孔穎達曰言慤羣心書而示法既書有法因號曰書後人見其久遠自於上世尚者上也言此上代以來之書故曰尚書又曰孔氏繼在伏生之下先云以其則知尚字乃伏生所加也自伏生言之則

欽定四庫全書

尚書通考
卷一

三

於漢世仰遵前代自周以上皆是上書是本名尚是伏生所加故諸引直云書曰若有配代而言則曰夏書無言尚書者

夏氏曰此上代之書為後世所慕尚故曰尚書

壁藏異記

家語云孔騰字子襄畏秦法峻急藏尚書等於孔子舊

堂壁中

漢記尹敏傳云孔鮒所藏

按孔子七世孫子順為魏相生鮒及騰鮒為陳涉博

士騰為惠帝博士長沙太守至四世孫安國為武帝博士臨淮太守

新安陳氏曰鮒騰兄弟藏書必同謀謂鮒藏亦可騰藏亦可也隋經籍志以為孔子末孫惠所藏之書豈以騰為惠帝博士邪

愚按孔子定書為百篇遭秦滅學孔氏藏之壁中而伏生亦藏於壁漢興伏生先發所藏亡數十篇獨得二十八篇教於齊魯之間漢文帝使晁錯往受時傳

欽定四庫全書

尚書通考

古

習既久誦文已熟而伏生老不能正言使女子口授之至孝武帝得偽泰誓一篇於民間因合為二十九篇而歐陽大小夏侯之徒皆學之寫以漢世文字故謂之今文尚書及孔壁復出安國定其可知者多二十五篇本皆科斗文字而安國易以隸書故謂之古文尚書又復出伏生所合之篇五篇并百篇之序一篇凡三十一篇合伏生二十八篇為五十九篇四十卷其餘錯亂摩滅不可復知悉送於王官藏之秘

府又承詔為五十九篇作傳以巫蠱事起藏之私家前漢諸儒知有五十八篇而不見孔傳遂有張霸偽作舜典及汨作等二十四篇及伏生二十八篇又分出盤庚二篇康王之誥泰誓三篇共六篇為五十八篇以附孔傳之數其賈逵作訓馬融作傳鄭玄註解皆非真古文故杜預註左傳韋昭註國語趙岐註孟子所引真古文書皆以為逸書至東晉豫章內史梅賾始傳孔傳古文於臧曹遂奏上其書於是偽書及

欽定四庫全書

尚書通考

五

偽泰誓皆廢但闕舜典一篇然舜典本合於伏生之堯典固未嘗闕特少篇首二十八字至齊姚方興始得舜典於大航頭比馬鄭所註多二十八字馬鄭所註堯典非偽舜典也至隋開皇三年求遺書得舜典然後五十

八篇方備然孔傳始出皆用隸書至唐天寶三載詔衛衡改古文從今文今之所傳者乃唐天寶所定本也夫經籍遭秦火殘缺書為最甚其初伏氏所教者裁十之三晁錯所受者止以其意屬讀則今文之傳

固有不備厥後孔氏發壁中之藏以不知科斗書而以伏生之書考論文義增多伏生之半則古文之傳又不能盡又況張霸偽安漢魏諸儒已不識古文永嘉喪亂今文之學又絕尚書一經至是幾於息矣寥寥數百載間乃至東晉而後孔氏之書始出其間混散真偽所不暇論至於更歷傳受循謠踵繆斷章錯簡周田豕亥諒匪一端且伏氏既有壁藏不以書授錯而以女子口授孔壁書既傳都尉朝馬鄭諸儒宜無不知乃俾偽書肆行欺罔是皆不能無疑者矣嗚呼書之不幸一失於壁中之磨滅再失於口傳之女

子三失於巫蠱之淪廢百篇之義既莫覩其大全幸存而可考者其喪失又如此世之學者乃欲彊通其所不通斯亦難矣善乎朱夫子之言曰解其所可曉者而闕其所可疑者則誠讀書不易之良法也

許氏紀年圖
許孟之讀
書叢說

帝堯百載

帝舜五十載

堯典

前初年事
後七十載事 禹貢
蔡氏謂禹貢作於虞時金先生通鑑前編係於水土平之年

舜典

大禹謨
前初年事
自格汝禹為三十二載以後事

皋陶謨

元載
益稷

右唐虞一百五十載書六篇

夏禹八載

又居喪二載

啟九載

甘誓

三載

太康二十九載

五子之歌

十九載

仲康十三載

胤征

元載

相二十八載

浞滅之

少康六十一載 杼十七載 槐

二十六載 芒十八載 泄十六載 不降五十九

載 扃二十一載 厘二十一載 孔甲三十一載

皐十一載 發十九載 癸五十二載